

El confin del golfo de Piran xe el steso dela Savudrijska vala

Ga tuto comincià un giorno quando uno ga pescà un Ribòn in tel posto sbaglià.

Xe mesa sta ipotesi che el xe sloven perché el andava pian par guardar el fondal. Xe anche mesa l'ipotesi che el xe croato perché no capiva sloven. El pescador croato ga ciamà el Sabor, invese el pescador sloven, ga ciamà sua moglie. Se ga formà una Comision aposita, la CIR (Comision Interogazion Ribòni) per interrogar sto povero Ribòn.

Finché lori i faseva le domande, el Ribòn stava sito. I croati ga comincià protestar, i sloveni ga comincià a beber, Mišo ga comincia parlar el dialeto però, in steso tempo, xe rivà el talian che, come sempre, l'se fa vanti giusto per far parte de qualcosa. Cusì l'UE ga deciso de far l'alibitragio, però finché tuti i parlava de el golfo de Piran, l'UE ga deciso che la Slovenia ricevi un toco dela Savudrijska vala. E deso, i ga portà vanti del giudice el Ribòn. El giudice ga provà parlarghe in croato e in sloven, però niente. Pena dopo el giudice ghe ga parla in dialeto, cusì se ga capì che el xe istrian.

I tedeschi ghe ga dito ai sloveni e ai croati che i se movi decider prima che i ghe cioghi lori el teritorio. In fine al alibitragio xe vegnudi i pesci stranieri. Xe anche rivada la familia del Ribòn, papà ribòn, mama ribòn e i 100 ribòni (pici ribòni, fradei del ribòn). I ghe ga dito de tuti i colori ai croati e ai sloveni. El giudice, che se capimo, iera un siligato, no el saveva più cosa far. Cusì che el ga deciso che chi vinsi la partida de balòn, gavarà quel toco del mar. La partida xe finida pari... Cusì che ancora no se ga deciso chi ga sto toco de mar.

Finché el giudice, i croati e i sloveni i faseva barufa, el Ribòn, con la sua famiglia, xe scampà. El mistero (no la serie tv!) del Ribòn resta sempre un mistero. La unica roba restada de lui iera le sue sciame.